

danne der eptyschynne zcum heiligen crucze vor Missen gelegen in dem dorffe zcu Dolan vorkoufft hat, also were das sulche czynse an myne herren obgnant von todis wegen Hanßes von Reynsberges ader syner erben vorvilen, als danne mogen myne herren ader wem sy das gūnnen wurden, vor sulche summa als dy vorsaczt vnde vorkoufft synt wider loßen.

Nach dem Cop. 15 fol. 92^b im K. Haupt-Staatsarchiv zu Dresden.

No. 466. 1434. 27. Apr.

Bürgermeister und Rath der Stadt Dresden verkaufen an den Probst zum heil. Kreuz Nicl. Vater 3 Schock Gr. jährlichen Zinses.

Wir ratmanne vnd gesworne zu Dresden Hanns Radeberg burgermeister, Hanns Czütczk, meister Niclos Thirman, Johannes Elsterberg, Hanns Munczemeister, Niclas Munczemeister vnd die andern gesworne daselbist bekennen —, daz wir mit wolbedachtem mute vollwortte vnd rate vnser eldixten deme erhafftigen ern Niclas Vater iczunt probste zum heiligen Crūcze bie Missen dry^o schogk guter schildechter groschen der besten Fribergischer mūncze rechtis czinses vnd iargulde vf vnser stad czinsen vnd rennthen vf einen rechten redlichen widerkouff vmb XXX schogk groschen der genanten muncze vorkoufft haben vnd vorkouffen incrafft diss brifs, die vns er Niclas obgenant bereit gancz vnd gar bezalt had, die wir ouch an vnser stad nucz vnd fromen gekart vnd gewant haben, vnd sullen vnd wellen alle iare ierlichen, die wile diser widerkouff stet, ern Niclas mergenant sinen selewartten adir wo hen er den czinß bescheiden vnd gebin wurde, andirhalb schogk grosschen der obgenanten mūncze vff den schirstkomenden sente Michelstag vnd andirhalb schog gr. der selben muncze vf sente Walpurgen tage darnach folgenden vnuorczogelichen reichen geben vnde gutlichen bezalen so lange vnd die czeit, biß wir adir vnser nachkomen die vorgenanten dry schogk grosschen czinses ern Niclas sinen selewartten adir do hen er sie bescheiden hette, widerabekouffen. Vnd wenne wir adir vnser nachkomene die mergenanten III ß gr. czinse von ern Niclas sinen selewartten adir da hen ers bescheiden hette wider abekouffen wellin, das sullen wir ern Niclas sinen selewartten adir da hen er is bescheiden vnde gegeben hette, ein virteil iars vor vorkundigen vnd zcu wissen tun, vnd danne ern Niclas sinen selewartten adir da hen er is bescheiden hette alhie XXX ß gr. der mergenanten muncze gutlichen vnd vnuorhindert geistlichs vnd werntlichs gerichts bezalen ane geuerde. Das wir vnd alle vnser nachkomene alle obgeschrebene stucke punte vnd artickele vnuorbrochelichen stete vnd gancz halden wellen vnd sullen, des zu bekentnuß vnd sicherheit habin wir der stad ingesigel hiran henngen lassen. Gegeben nach Cristi geburt vnsers hern XIII^c iare, darnach in deme XXXIII^{ten} iare am dinstage vor sente Walpurgentag.

Nota. Dise uorgescrebin III ß gr. czinses sint vorstorben.

Nach gleichzeitiger Abschrift im Rathsarchiv zu Dresden.